



0337CH05

आबो दो गोटा बोछोररे आयमा लेकान
पोरोब आर ओपसोरबोन मानावेत् काना।
ओनाते दो आबोवाक् दिल आर ओड़ाक्
मारसालोक् काना। आबो दो ओना
कुसी आयमा लेकातेबोन सोदोरा। ओनारे
जोम-जुं, ओड़ाक् साजाव, एनेच्-सेरेज,
बिसेस लेकानाक् किचरीच् आर होड़
कोवाक् मित् साँवते हिजुक् सेलेत्
मेनाक्आ।



नोआ अध्याय मुचादोक् हबिचते,
आमदो जाहाँन जेजेलाक् आर सेदाय
खोन हेच् आगुवाकान हुनार खोनेम
ओपरोमोक्आ, ओनाते दो पोरुब रेयाक्
ओबोस्ता बेनावोक्आ। ओनारे ओत आर
भित रेयाक् डिजाइन, माला, तोरण आर
लालटेन सेलेत् मेनाक्आ। नोआ अध्याये
आमदो आमाक् ओड़ाक् आर आडेपासे
सोमाजरे चालावोक्कान आर सेदाय खोन
हेच् आगुवाकान हुनार खोन जोनोड़ाव
कामी-कासनीकोम काक्मीया।



कामी-क़सनी 1 ओत आर भित रेयाक् डिजाइन

चेका आमदो ओत बाडखान भितरे जाहौन डिजाइनेम जेलाकात्आ? ओना ओकारेम जेल लेदा? आबोदो तिन ज़ोखेन आबोवाक् ओत आर भितबोन साजावा?








लाताररे एमामाकान ख़ाली जायगारे ओत रेयाक् डिजाइन बेनावमे।



© NCERT
not to be republished

रंगोली बेनाव लागित् डॉट
आर लाइन रेयाक् होंम बेवहार
दाडेंयाक्आ।

नामूना जेलमे आर डॉट
जोडावकाते आमाक् आपनाराक्
पैटर्न बेनावमे।



कामी-कसनी 2 बाहा दो सुताम रेको सेरेळा।



आबोदो बिसेस ओपसोर ज़ेखेन माला बेनाव
लागित् बाहा आर साकामबोन बेवहारेत् काना।
आबोदो तोरण होंबोन बेनावा। ओना रेयाक्
रोड आर सों ओना कुसीयानाक् ए बेनावा।

मा आबोदो आबोते माला आर तोरणबोन बेनावा!

आमदो बाहा, साकाम, काडेच, कागोज, मोती, सुताम आर आरहों एटाक् जिनिसेम
बेवहार दाडेयाक्आ।

स्टेप 1: पे फीट जेलेज बाडखान आमाक् ती बाराबारी जेलेज सुताम
हातावमे।

स्टेप 2: कागोज, साकाम, बाहा एमान जिनिसते पैटर्न बेनावमे आर ओना
सुतामरे लाठाकाते तोरण बेनावमे।

स्टेप 3: बोलोक् दुवाररे आमाक् तोरण लागावमे।



क़मी-क़सनी 3 आम आपनारते कागोज़ रेयाक् लालटेन बेनावमे।

आमदो जालीयेम बेनावकेदा; नित दो कागोज़ रेयाक् लालटेन
होम बेनाव दाड़ेयाक्आ! आमदो एकेन कागोज़ रेयाक् बारया ६
पारे जोड़ावकाते मित्तेन सिलिण्डर आकार बेनाव होयोक् तामा।
आमाक् लालटेन मौज जेल ओचोय लागित् आयमा लेकान रोड
बेवहारमे।



क़मी-क़सनी 4


क़मी-क़सनी 4 आम आपनारते हासा रेयाक् बाती बेनावमे।



आमदो लाहारेगे हासाते जिनिसेम बेनावाकात्आ! चेका आमदो जाहाँन
मालीकोम (बाती) बेनावाकात्आ? आमदो माली तिनाक् लेकान
आकाररेम बेनाव दाड़ेयाक्आ?
आमाक् माली सेतोडरे रोहोड ओचोयमे इनाकाते ओनारे रोड आर
डिजाइन बेनावमे! ओना आरसी, टेप, टिकली से चितारते साजाव होय
दाड़ेयाक्आ। मित्तेन बेनाव रेयाक् कुरुमुटूयमे!

कामी-क़सनी 5 आभरान बेनावमे।

जाहाँन कागोज, कापची, क्रेयॉन आर गोंद से टेप बेवहारकाते आभरान बेनावमे! ओनारे डिजाइन जोड़ाव आर ओना साजाव लागित् आमाक् कुसीते एटाक् जिनिस होंम बेवहार दाड़ेयाक्आ।



स्टेप 1: कागोज रेयाक् बारया पट्टी हातावकाते, ओना आमाक् तीरे तोलमे।

स्टेप 2: मित्तेन पट्टी दो आमाक् कुसीयानाक् बाहा रोडते रोडमे।

स्टेप 3: दोसाराक् पट्टी दो एटाक् रोडते रोडमे।

स्टेप 4: पट्टी साजाव लागित् जाहाँन डिजाइन, पैटर्न बेनावमे आर एटाक् जिनिस पेस्टमे।

स्टेप 5: बानार पट्टी आमाक् ती थोपारे सानाम सेन खोन तोल अचुरमे आर ओना गोंद से टेपते लाठाकाक्मे।

आमाक् ब्रेसलेट तेयारेना!

नित दो, आमाक् पायोल आर एटाक् आभरान हों डिजाइन आरेम बेनाव दाड़ेयाक्आ! ओना लागित् सिरजोन रेयाक् जिनिस बेवहारमे। आमरेन केलास गाते जुदीको राजीक् खान आमाक् आभरान ओनको साँव ओदोल-बोदोलमे बाडखान ओनको उपहार एमाकोम।